



osce PA Organization for Security and Co-operation in Europe
PARLIAMENTARY ASSEMBLY

STALNA DELEGACIJA PSBIH U PSOSCE

I Z V J E Š T A J

**SA 17. GODIŠNJEG ZASJEDANJA PARLAMENTARNE
SKUPŠTINE OSCE-A,
ASTANA
29. JUNI - 3. JULI 2008. GODINE**

SARAJEVO, juli 2008. godine

IZVJEŠTAJ O UČEŠĆU STALNE DELEGACIJE PARLAMENTARNE SKUPŠTINE BOSNE I HERCEGOVINE NA 17.GODIŠNJEM ZASJEDANJU PARLAMENTARNE SKUPŠTINE OSCE-A

U Astani (Kazahstan) je, od 29.juna 2008. do 3.jula 2008., održano 17.godišnje zasjedanje Parlamentarne skupštine OSCE-a u čijem radu je učestvovala i Stalna delegacija PSBiH u PSOSCE: Branko Zmo, delegat u Domu naroda i šef Delegacije, Drago Ljubičić, delegat u Domu naroda i član Delegacije, Jelena Rajaković, sekretar Delegacije.

Osnovna tema ovog zasjedanja bila je transparentnost u OESC-u, a ostale teme o kojima se raspravljalo odnosile su se na :vodoprivredu, trgovinu, borbu protiv seksualnog iskorištavanja djece i nasilja nad ženama, cyber sigurnost i migracije.

17. godišnje zasjedanje zvanično je počelo obraćanjem Gorana Lenmarkera, predsjedavajućeg PSOSCE-a u prisustvu predsjednika Kazahstana Nursultana Nazarbajeva, predsjednika oba doma Parlamenta Kazahstana Kassima, Jomarta (Senat) i Aslana Mussina (Mazhilis) i oko 250 predstavnika 56 zemalja članica PSOSCE-a.

Predsjedavajući PSOSCE-a istakao je da je ovo prvi put da je PSOSCE-a održala svoje godišnje zasjedanje u centralnoj Aziji i naglasio značaj koji taj region ima za OSCE, dodajući kako smatra da je to prilika za jačanje veza između Evrope i centralne Azije kroz jačanje demokratije i otvorenost te zemlje.

Narednih dana zasjedala su tri generalna komiteta: Generalni komitet za politička pitanja i sigurnost ; Generalni komitet za ekonomska pitanja, nauku, tehnologiju i okoliš; Generalni komitet za demokratiju, ljudska prava i humanitarna pitanja.

*** *GENERALNI KOMITET ZA POLITIČKA PITANJA I SIGURNOST***

Generalni komitet za politička pitanja i sigurnost razmatrao je Nacrt rezolucije, izvjestioca Wolfganga Grossrucka iz Austrije.

Rezolucijom je izražena zabrinutost zbog nedostatka parlamentarnog nadzora nad privatnim vojnim preduzećima (PMCs) i privatnim preduzećima za pružanje sigurnosnih usluga (PSCs), što se kosi s principima kodeksa ponašanja u demokratskoj kontroli snaga i ograničava najlegitimniju ulogu parlamenta.

Rezolucijom se apelira na sve relevantne faktore da učestvuju u raspravi o angažiranju PMCs i PSCs u oružanim sukobima i postkonfliktnim situacijama. Rezolucijom se zahtijeva od generalnog sekretara OCEE-a da inicira izradu studije do narednog Zimskog zasjedanja koje će biti održano u Beču, kojom bi se, s jedne strane, analiziralo trenutno angažiranje PMCs i PSCs, a s druge strane ilustrirali najbolji primjeri demokratske kontrole u njihovom angažiranju u oružanim sukobima i postkonfliktnim situacijama.

***GENERALNI KOMITET ZA EKONOMSKE POSLOVE, NAUKU, TEHNOLOGIJU I OKOLIŠ**

Komitet za ekonomske poslove, nauku, tehnologiju i okoliš razmatrao je Nacrt rezolucije Rolanda Bluma iz Francuske.

Ovom rezolucijom pozivaju se države članice koje nisu potpisnice Protokola iz Kyota da ga potpišu i ratificiraju. Također se insistira na tome da države članice i partneri podrže proces koji je pokrenut na Baliju kako bi bio postignut međunarodni dogovor o klimatskim promjenama poslije 2012.godine.

Također, ovom rezolucijom favorizira se sprečavanje klimatskih promjena i ekoloških rizika u poljoprivrednoj politici, posebno promovirajući dobro osmišljenu poljoprivredu, izbjegavajući krčenje šuma, čuvajući prirodno naslijeđe, bioraznolikost i izvore čiste vode.

Pozvane su države članice da podrže akciju OSCE-a „Okoliš i sigurnost“, kao i programe u Aziji, jugoistočnoj Evropi i na Kavkazu.

***GENERALNI KOMITET ZA DEMOKRATIJU, LJUDSKA PRAVA I HUMANITARNA PITANJA**

Komitet za demokratiju, ljudska prava i humanitarna pitanja razmatrao je Nacrt rezolucije izvjestioca Walurge Habsburg- Douglas iz Švedske.

Ovom rezolucijom pozivaju se sve zemlje učesnice na postizanje veće transparentnosti u:

- organizaciji i pristupu političkim i historijskim arhivama (ovom rezolucijom pozivaju se sve organizacije zemalja OSCE-a koje rade sa historijskim i političkim arhivama da dozvole potpuni pristup svim istraživačima i zainteresiranim pojedincima i da vrate u zemlju porijekla sva relevantna dokumenta čiji sadržaj najviše pogađa neku zemlju, omogućavajući onima koji su najviše zainteresirani da ih u potpunosti prouče);
- zakonodavnom procesu;
- izbornom procesu;
- administrativnom procesu;
- radu u parlamentu;
- vladavini prava.

*** IZBORI I IMENOVANJA**

Tokom 17. godišnjeg zasjedanja Parlamentarne skupštine OSCE-a izabrana su nova rukovodstva komiteta.

- Komitet za politička pitanja i sigurnost

Jean-Charles Gardetto, Monako (predsjednik)

Consiglio DiNino, Kanada (potpredsjednik)

Riccardo Migliori, Italija (izvjestilac)

- Komitet za ekonomske poslove, nauku, tehnologiju i okoliš

Petros Efthymiou, Grčka (predsjednik)

Roland Blum, Francuska (potpredsjednik)

Ivor Callely, Irska (izvjestilac)

- Komitet za demokratiju, ljudska prava i humanitarna pitanja

Hilda Solis, Sjedinjene Američke Države (predsjednik)

Walburga Habsburg-Douglas, Švedska (potpredsjednik)

Natalia Karpovich, Rusija, (izvjestilac)

*** PLENARNA SJEDNICA**

Plenarna sjednica održana je 3.jula 2008., na kojoj je usvojena Deklaracija (tzv. Astanska deklaracija) u kojoj su objedinjene rezolucije usvojene tokom zasjedanja tri komiteta. Ona predstavlja kolektivni glas parlamentaraca zemalja članica OSCE-a i rezultat je kolektivnog rada članova Skupštine.

Na plenarnoj sjednici izabran je i novi predsjednik Parlamentarne skupštine OSCE-a za narednu godinu Joao Soares iz Portugala.

Izveštaj pripremila

Sekretar Delegacije PSBiH u PSOSCE-a

Jelena Rajaković

Napomena: Izveštaj odobrio šef Stalne delegacije PSBiH u PS OSCE Branko Zrno

Prilog:

- Program zasjedanja
- Nacrt rezolucije - Komitet za politička pitanja i sigurnost
- Nacrt rezolucije - Komitet za ekonomske poslove, nauku, tehnologiju i okoliš
- Nacrt rezolucije - Komitet za demokratiju, ljudska prava i humanitarna pitanja.

Dostaviti:

- Kolegiju Predstavničkog doma
- Kolegiju Doma naroda
- Komisiji za vanjske poslove Predstavničkog doma
- Komisiji za vanjsku i trgovinsku politiku Doma naroda
- članovima Delegacije PSBiH u PSOSCE-a

Kopija: Ministarstvo vanjskih poslova BiH